

見則是入邪宗永不解脫永不開法是以諸
 天仙衆諸天大聖至真天真無缺數衆會聞
 我法方得知道若更能虛心以遣其實無心
 以遣其有定心以令其不動靜心以令其不
 亂正心以令其不邪清心以令其不濁淨心
 以令其不穢汝等非不明此而欲常勤其行
 莫令後悔莫令障礙當知一切法皆應如是
 若於其中復生他見自迷正道無復見解別
 生思想以為智慧迷亂身心反不知道反傷
 正氣如此衆等是其先得是因緣尚淺故
 於正教自生障礙我今演說汝皆當明是心
 轉轉教人令其心直不得反覆心平無復高
 下心明終不暗昧心通無有滯礙即於清靜
 身心解悟諸心了見一切如是功德具足不
 可思議不可稱量悉皆圓滿而說偈曰
 汝等一切未見未聞從今以去悉見悉聞
 當歸依道行此事時嘆其功德入功德海
 無為會道念心發心無量因緣無量果報
 無為之法成道名字無礙解脫是名真道

真一經靈符

真一經靈符

太清境真一經終

正一天師清微弟子 洪百堅 製作
 道教學術資訊網

太上三十六部尊經

太清境經下

集靈經

中精經

無量意經

集宮經

黃庭經

小劫經已上六經同卷

太清境集靈經第七

天真大聖至真大神十方無極無量飛天神
 王及諸仙衆同會其所故今得道當知無上
 勝因是諸妙果同其規向集靈寶道神氣相
 合若欲聞是要理當在奉行吾法以引一切
 未來皆知吾教夫人身本皆同有自以七情
 六慾傷其本性所以不聞吾法故今發願度
 諸一切得如是無量智慧真心少思少念少
 慾少事少語少笑少愁少樂少喜少怒少好
 少惡故靈光不亂神氣不狂方可奉道於其